

## **De Probatis|| Sanctorvm|| Historiis**

Partim|| Ex Tomis Aloysii Lipoma-||ni, Doctissimi Episcopi, Partim Etiam||  
Ex Egregiis Manvscriptis Codicibvs, Qvarvm permultæ antehàc nunquàm  
in lucem prodiêre

Complectens Santos Mensivm|| Maii Et Ivnii

**Surius, Laurentius**

**Coloniae Agrippinae, 1576-**

**VD16 S 10258 - 10263**

De S. Margareta regina Stotiæ.

---

[urn:nbn:de:hbz:466:1-77393](https://nbn-resolving.de/urn:nbn:de:hbz:466:1-77393)

A&amp;. 5.

*Aliud mira  
culū haud  
vulgare.*

reliquis. Petrus in plateis eiectos vmbra suscitat: Maurinus longè positum tenui fā. mā aura de lecto desperatum in viam salutis excitat. Cum Paulo cæcos lumine vestit, cum Stephano ad tumulum surdorum aures aperit. Non longum est, quod dico. Geronem quandam sacerdotio & officio clarum ita grauissimus languor perculit, vt vīta in confinio mortis palpitaret. Iam ei pollices, iam lingua ligabatur, cùm puerum cum argento ad nostrum medicum mittit, & vt pro se celeriter & fideliter faciat mēbris morientibus exposcit. Iuit, rediit, & dominum paulò antē cum morte agentem, in lecto residentem inuenit & comedentem.

A&oc. 14.

Hic & item ei similes medici praecantrare animas nouerunt, ne iuxta Ioannem, diuinii pectoris potatorem, calicem iræ Dei bibant, vt crucientur igne & sulphure in cōspectu Angelorum sanctorum, & in conspectu Agni: & sumus tormentorum ascendet in secula seculorum. Hæc hodiè Maurinus securus eualit, & in supernam cinitarē laureatus intravit. In ciuitate autem patris debentur filiis iura hæreditatis: Agè ergo nunc pater inclyte, pater pie, age cum iudicibus seculi causas nostras: vt & in terris dignè te veneremur, & ibi quandoq; desideratam tuam faciem contemplemur, vbi c. popularis & cum Angelis delectaris gloria & aspectu Agni, qui viuit & regnat in secula seculorum, Amen.

### VITA S. MARGARETÆ REGINÆ SCOTIÆ QVAM QVIDEM S. ADELREDVS ABBAS PRIMO CON.

*scripsit, sed hæc, quam nos edimus, ab alio quodam incerto authore, ex  
illo breuius descripta est. Stylum in gratiam lectoris  
nonnihil elimanimus*

*Junij 10.  
Cap. 1.*

*Sueorum*

*Parentes S.  
Margaretæ.*

*Nubit Mal.  
colino regi  
Scotia.*

*Cap. 2.  
Liberalitas  
eius in ec-  
clesias.*

*Optimè su-  
as instituit  
pioles.  
Psal. 33.*



**O R T V O** Edmundo rege, cum primis strenuo, qui ab Anglis propter insuperabilem eius fortitudinem ferri lateris cognomen acceperat, Canutus rex, Angliæ cōquerstor, filios eius Edmundum & Edouardū propter fedus cum patre illorum iustum, præ pudore ferire non valens, ad regem \* Suedorum feriendos transmisit: qui pietate motus, eos vltérius ad regem Hungarorum Salomonē vitæ referuandos misit. Edmundo verò sine liberis deceiente, Edouardus frater eius Agatham Imperatoris filia duxit, ex qua sanctam Margaretam, postea Scotia regnam, progenuit. Quæ cùm in primæua adhuc floreret aetate, vitam sobriam ducere ac Deum super omnia diligere cœpit, in diuinari quoque lectionum studio se occupare, & in his animum delectabiliter exercere. Suorum tandem magis quam sua voluntate, immo Dei ordinatione, regi Scotorū Malcolmo in matrimonium collocatur. Vbi licet ea, quæ mundi sunt, agere compellere tur, attamen mundi rebus & desiderijs inhærere contempst. Plūs enim delectabatur bono opere, quam diuinarum possessione. Omnia, quæ decebant, prudentis regina imperio agebantur, eius consilio regni iura disponebantur, illius industria religio diuina augebatur. Nihil illius fide firmius, vultu constantius, patientia tolerantius, consilio grauius, sententia iustius, colloquio iucundius.

In loco, vbi nuptiæ eius fuerant celebratae, in honorem sanctæ Trinitatis nobilem ecclesiam construxit, eamque varijs magni precij ornamentis decorauit: in quibus ex solido & puro auro & argento vasa non pauca fuisse constat. Crucem quoque contruit, quam auro & interlucentibus gemmis vestiri curauit. In alijs quoq; quibusq; ecclesijs deuotionis sua signa reliquit. Tanta verò ei inerat cum iucunditate seueritas, & cū seueritate iucunditas, vt omnes, qui in eius erat obsequio, illam & timendo diligenter, & diligendo timerent, atque in eius præsentia non solū nihil execrandum quisquam ausus esset facere, sed neque turpem proferre sermonem. Liberos suos cum omni diligentia nutriti & honesti moribus institui voluit, eosque coram ipsa sapientiis adductos fidem Christi docuit, vtque illum semper timerent, accurate admonuit. Timere, inquit, ô filij Dominum: quoniam non erit inopia timentibus eum. Et si dilexeritis illū, præsentis vita prosperitatem, & cum sanctis suis eternam vobis reddet felicitatem. Hæc matris desideria, hæc cæbra admonitio, hæc pro sua sobole quotidiana erat cū lachry-

lachrymis oratio, ut suum creatorem agnoscerent, agnoscendo colerent; colendo in omnibus diligenter, & diligendo ad celestis regni gloriam peruenirent. Nemo illa ingenio erat praestantior, nemo eloquio illustrior, regem ipsum ad iustitiae misericordia, eleemosynarum, aliarumque studia & actus virtutum instigauit, & Deo cooperante obtinper antissimum reddidit. Videns enim ille in corde eius revera Christum habitarare, illam quoquis modo offendere formidabat, votisque eius & consilijs in omnibus obedire studebat. Quae respuit illa, ea & ipse respuere, & quae amabat illa, ea ipse itidem amore illius amare solebat: delectabatq; illum manibus contrectare & osculo venerari librum, ex quo regina precari consuevit.

Rege cum magnō comitatu aliquo proficente, omnes comites & satellites eius Cap. 3.  
tanta seueritate coēcuit, ut nullus quicquā rapere, nullus rusticos vel pauperes quos Regis fami-  
libet lādere vel opprimere auderet. Tanto autem facilius sancta regina omnem mū- liā ut in offi-  
di pompam spreuit, & peccatorum evasit maculas, quanto maiori cum tremore & pa- cio conti-  
uore districtum iudicij diem ante mentis oculos sibi indesinenter representabat. Cre- vultuā er-  
brò etiam confessarium suum rogabat, ut quicquid in ipsius dictis & factis reprehē- rata repre-  
sione dignum aduerteret, id cum reprehēsione secreto ipsi indicare non dubitaret. Credit  
Quod cum ille rariū & remissiū, quām ipsa vellet, faceret, importunam scī illi inge- hendī.  
rebat, somnolentum illum & sue salutis incuriosum ac negligentem vocitans. Corri- Psalm. 140.  
piat, inquit, me iustus in misericordia, & increpet me: oleum autē, id est, adulatio pec-  
catoris, non impinguit caput meum. Reprēhēsionem suī, quam abus accipere posset  
ad contumeliam, illa ad virtutis profectum expetebat. Malum in aliq̄ si vidisset, ad-  
monebat, ut ad meliorem frugem se reciperet: bonos hortabatur, ut fuderent fieri  
meliores.

Cū autem in gente illa Scotorum contra vniuersalis Ecclesię sanctam consti- Cap. 4:  
tū dinem multa illicita fieri videret, multa adhibuit consilia, ut ad veritatis viam erran- Scotorū er-  
tes, Christo donante, reduceret. In quo conflictū rex ipse adiutor ei præcipiūs aderat, rotes quos.  
quicquid in hac causa illa iussisset, & dicere & facere paratissimus: qui quod perfecte dā corrigit,  
Anglorum idioma æquē ut proprium calleret, vigilantissimus hac in re vtriusq; partis  
interpres fuit. Itaq; regina prefatione p̄missa, qui cum catholica Ecclesia in vna fide  
vni Deo seruirent, eos ab eadem Ecclesia nouis quibusdam & peregrinis institutioni- elquuntur  
bus discrepare non debere. Primo propositi, eos Quadragesimale ieunium non legi- Scoti qua-  
timē obseruare, quia hoc non cum sancta Ecclesia à feria quarta in capite ieunij, sed do tum in-  
sequenti septimana feria secunda solerent inchoare. Cū autem illi econtratiō di- choarunt,  
cerent, ieunium suum se ex Euangeliū authoritate, quae Christi narrat ieunium, obser- Quadrage-  
vare per sex hebdomadas: illa respondit, Longē in hoc ab Euangeliō discrepatis. Le- simē ieu-  
gitur enim ibi Dominus quadraginta diebus ieunasse, quod manifestum est vos non nūn  
facere. Nam cū per sex hebdomadas sex Dominicī dies à ieunio abstrahuntur, tri- nūn  
ginta tantum & sex dies ad ieunandum relinqui perspicuum est. Non ergo Euangeliū  
ca authoritate quadraginta, sed tringinta duntaxat & sex dierum constat vos obserua- nūn  
re ieunium. Restat itaque, ut quatuor diebus ante Quadragesimā initium ieunare no- nūn  
biscum incipiatis, si Dominico exemplo quadraginta dierum numero abstinentiam obseruare velitis. Alioquin contra ipsius Domini authoritatem & totius sancte Eccle- nūn  
sia traditionem vos soli repugnabitis. Hac illi ratione veritatis conuicti, deinceps se- nūn  
cundū morem vniuersalis Ecclesia suā ieunia inchoārunt.

Deinde etiam illud regina propositi, iussitq; vt ostenderent, qua ratione die satis Cap. 5:  
eo Paschæ secundū morem sancte & Apostolice Ecclesię sacramenta corporis &  
sanguinis Christi sumere negligenter. Responderunt illi: Apostolus de his loquens, ait: Qui manducat & bibit indigne, iudicium sibi manducat & bibit. Vnde quia nos peccato- 1. Cor. 11.  
res agnoscimus, ne iudicium nobis manducemus & bibamus, ad illud mysterium ac-  
cedere formidamus. Quibus regina: Quid igitur inquit. Qui peccatores sunt, sacrofan- Iohan. 6.  
atum mysterium non percipient? Nemo ergo illud percipere debebit, quia nemo sine  
forde peccati, nec infans, cuius est vnius diei vita super terram. Si autem nemo illud su-  
mēre deberet, cur in Euangeliō clamat Dominus: Nisi manducaueritis carnem filij ho-  
minis & biberitis eius sanguinem, non habebitis vitam in vobis? Sed planè sentiām,  
quam de Apostolo profertis, secundū Patrum expositionem aliter necesse est vt in-  
telligatis. Non enim omnes peccatores salutis sacramenta indigne sumere affirmat:  
Nam cū dixisset, iudicium sibi manducat & bibit: adiungit, Non dijudicans corpus  
Domini: hoc est, Non separans illud in fide ab escis corporalibus, iudicium sibi mandu-  
cat & bibit. Sed & ille, qui absque confessione & poenitentia cum suorum inquinamen-

Eucharistia tis scelerum ad sacra mysteria accedere præsumperit: ille, inquam, iudicium sibiā quis indig ducat & bibit. At nos, qui multis antē diebus, facta peccatorum confessione, poenitentia castigamur, iejunis attenuamur, eleemosynis & lachrymis à peccatorum sorribus abluimur, in die resurrectionis Dominicæ ad eius mensam in catholica fide accedentes, carnem & sanguinem agni immaculati Iesu Christi non ad iudicium, sed ad peccatorum sumimus remissionem, & ad salutarem perciendi beatitudinis aeternæ præparationem. His ab ea perceptis, respondere nil potuerunt, atq; agnita deinceps Ecclesiæ instituta in mysteriū salutaris perceptione obseruārunt. Fuere præterea in quibusdam Scotiæ locis, qui contra totius Ecclesiæ morem Missas celebrare solerent. Quod regina, zelo Dei accensa, ita destruere & profligare studuit, ut postea in toto Scotorum regno, qui tale aliquid attentaret, nemo repertus sit.

**Cap. 6.** Solebant etiam, neglecta Dominicidie reverentia, quemadmodum alijs diebus, Scoti nō contabili quoq; laboribus insistere. Quod minimè licere, ratione pariter & autoritate ostendit. Dominicum, inquit, diem propter Dominicam, quæ in illo facta est, resurrectionem venerationi habemus, vt in eo seruilia opera iam non faciamus, in quo nos

**Li. II. Epi. 3.** à seruitute diaboli redemptos nouimus. Hoc & beatus Papa Gregorius affirmat, dicens: Dominico die à labore terreno cefandum est, atq; omnimodo orationibus insistendum: vt si quid negligenter per sex dies agitur, per diem resurrectionis Domini.

**Li. 7. Epi. 1.** cæ precibus expiatur. Idem quoq; pater Gregorius quendam propter opus terrenum, Indictionis quod die Dominica fecerat, disticta in crepatione feriēs, eos, quorum hoc cōsilij egerat, duobus mensibus excommunicatos esse decreuit. His rationibus regina contrarie non valentes, ita diem Dominicum deinceps obserabant, vt nihil quicquam in operari audenter. Illicita etiam nouercarum coniugia, similiter & vix ore fratris defuncti fratrem superflitem ducere, quæ ibi ante siebant, nimis ostendit execranda, & à fidelibus, velut ipsam mortem, deitanda. Multa quoq; alia contra morem Ecclesiæ inoleuerant, quæ in eodem Concilio damnans, de regni finibus extirpauit.

**Illicita coniugia Scotorum.** **Cap. 7.** Quando autem illa de salute animæ confessario suo & de sempiterna vita dulcedine loquebatur, verba eius plena erant omnis gratia: tantumq; inter loquendum compungebatur, vt tota in lachrymas resoluenda putaretur. In ecclesia nemo illa filēdo quietior, nemo orando attentior. Nihil vñquam seculare vel mundanum illi loqui, nihil terrenum agere, sed tantum orare & lachrymas fundere solebat. Per nimiam autem inediām & abstinentiam in grauisimum morbum incidit. Nihil illius pectorē clementius, nihil erga egenos & inopes benignius fuit. Neque enim sua duntaxat, sed seipsum quoque, si licuisset, pauperibus libenter impendisset: atque interim omnibus pauperibus suis erat ipsa pauperior. Illi enim non habentes, habere cupiebant: illa vero ea, quæ habebat, dispergebat. Quando prodibat in publicum, miserorum, orphanorum, viduarum greges quasi ad matrem piissimam confluabant: nec ullus ex eis sine consolatione ab illa recedebat. Interdum quicquid erat regis proprium, egenis erogandum abstulit: quam pietatis rapinam rex omnino gratam & ratam semper habuit, sequente simulauit. Neque modo pauperibus indigenis, verum etiam omnium penitentiam suam liberalitatem & munificentiam impendit, innumerabilesque captiuos dato precio libertati restituit, quos de gente Anglorum hostilis Scotorum vis inseruitum abduxerat. Occultos etiam exploratores per prouincias misit, vt qui duriori premerentur seruitute, & inhumaniter haberentur ac tractarentur, eius liberalitate redimi possent.

**Cap. 8.** Eremitas & separatis cellis vbiq; inclusos, Christo seruientes, venerari, diligere, suo aduentu & alloquo crebrius visitare consuevit, illorumq; se precibus commendans, **Precies eius.** quicquid petijsent, deuota compleuit. Cum principio noctis paululum quicuisset, ecclesiastam ingressa, nocturnas preces, quas matutinas vocant, primò de sacro sancta Trinitate, deinde de sancta Cruce, tertio de beatissima Maria sola absoluebat. Illis finitis, officium defunctorum incipiebat, ac deinde Psalterium integrum perlegebat. Quando Clerus hora congrua preces Canonicas celebrabat, illa psalterium veliam coptum finiebat, vel primo absoluto, alterum inchoabat. Finitis autem precibus horarijs, in cubiculum rediens, sex pauperum pedes lauit, eisq; pecuniam dari iussit. Deinde paramper quieti ac sopori indulxit. Manè factō surgens piissima regina, nouem infantulos orphanos, omni auxilio destitutos, prima diei hora ad se introducitos cibis mollieribus flexis genibus reficiebat, & cibos in ora eorum immittebat. Præter hac trecentos pauperes in aulam consuetudo erat introduci, & clausis ostijs rex ab una parte, reginaque ab altera, Christo in pauperibus seruiebant, cibosque specialiter præparavat.

**Nota eximiam regis & reginae pietatem.**

præparatos offerebant. Quo factō, regina ad ecclesiam se conferens, prolixis precibus & lachrymis atque gemitibus seipsum Deo sacrificium immolabat, & ante summam Missam quinque vel sex priuatim Missas audiebat. Ante refectionem vigintiquatuor pauperes humiliter eis ministrando reficiebat. Sumebat deinde cibum, non ut deleationi acquiesceret, sed tantum ut vitam seruaret. Erat vero eius refectio tenuis & sobria, & quæ esuriem excitaret potius quam extingueret: videbaturque non tam sumere, quam gustare cibum. Quadraginta ante Pascha & natalem Christi diem, incredibili abstinentia se afflxit, sed propter nimium ieiunij rigorem usque ad finem vitæ sua acerrimos passa est stomachi dolores: nec ramen agra corporis valetudo virtutē operis debilitare potuit. In sacra lectione erat studiosa, in orationibus perfeuerans, in eleemosynis indeficiens, denique in omnibus prorsus, quæ Dei erant, vigilanter se se exercitans. Codex quidam Euangelicus, gemmis & auro ornatus, in quo studere & legere solebat, custodis negligenter in aquam cecidit, & per diem ac noctem sine aliqua iniuria vel lassione in uiolatus permanxit.

Habebat confessarium Turgotum, secundum Priorem Dunelmia. Illi ergo ad se Cap. 9. accersito, vitam suam replicare coepit, & ad singula verba lachrymarum flumina profunderet: tantaq; erat sub eius sermonibus compunctione, tantus lachrymarum imber, vt nihil proculdubio esse videretur, quod tunc à Christo impetrare non posset. Cumque de necessarijs sermonē pertexuisset, ita ait ad eum: Vale: ego posthac diū in hac vita non subsistam: tu vero paruo post me tempore viues. Duo sunt autem, quæ a te postfesto: Vnum, ut quoad vixeris, animæ meæ in Missis & orationibus tuis meminisse ve. Vult sui in lis: alterum, ut liberorum meorum curam habeas, amorem eis impendas, Deum præ. obitum habcipue timere eos doceas, & cum ad culmen terrena dignitatis quemlibet corum eue. beri memo. hi conspexeris, illius vel maximè patrem simul & magistrum te exhibeas, admonen. riam. do, & vbi res postulauerit, etiam obiurgando, ne propter mundi prosperitatem, æter. na vita felicitatem sua negligenter amittat.

Dimidio post hanc anno, ingrauiente morbi molestia, ratò è lecto surgere potuit: Cap. 10. quarto autē ante obitū suū die, cùm rex Malcolinus in expeditione esset, tristior solito effecta, assidentibus ait: Fortè hodiè tantum mali regno Scotorum accidit, quantum vix multis retrò temporibus. Post dies aliquot nunciorum relatione codem die, quo regina dixerat, regem cum filio Edouardo suisse occisum cognoverunt: quem illa, cœ futurorum pœficia, multùm prohibuerat, ne quoquam tunc cum exercitu progrederetur. Quarto inde post mortem regis die, morbo nonnihil de sua acerbitate remittente, Missas auditura, oratorium intravit, & exitum suum Dominici corporis & sanguinis viatico præmunivit. Mox autem prioribus grauata doloribus, lecto prostrata, ad exitum, crescente molestia, vehementius vrgetur. Tum illa Crucem Scotianigram, quā semper in magna veneratione habuit, amplecti, exosculari, oculos faciemq; crebro illa signare curauit. Rediens intreà de exercitu filius eius Edgarus, cubiculum regine intrat: quem illa de patre & fratre interrogat: sed ille quod verum erat dicere noluit, ne audita morte illorum, cōtinuò & illa expiraret. Respondit autem, cos bene vale. At illa grauiter suspirans: Scio, inquit, fili, scio, adiurauitq; eum, ne rei veritatem celaret. Tum ille coactus, sicut erant, gesta exposuit. Quibus auditis, non peccauit labijs suis, neq; stultum quid contra Deum locuta est: sed manus ad calum eleuans, in laudē & gratiarum actionem prorupit, dicens: Laudes & grates tibi ago omnipotens Deus, quod me tantas in exitu meo angustias perpeti, easq; tolerantem, à quibusdam peccatorum maculis, vñ spero, mundare voluiisti.

Sentiens postea mortem adesse, hanc orationem dicere coepit: Domine Iesu Christe, qui ex voluntate patris, cooperante spiritu sancto, per mortem tuam mundum vivificasti, libera me. atq; sub his postremis verbis, liberata à vinculis corporis, anima ad verā libertatis, quem semper dilexerat, authorem Christum migrauit, felicitatis eorum particeps effecta, quorum virutis est exempla secuta. Faciem autem eius, quæ tota in morte palluerat, ita post obitum rubor candore permixtus perfudit, vt non mortua, sed viuens aut dormiens videri posset. Obiit quarto Idus Iunij, & in ecclesia sacro sanctorum Trinitatis, quam ipsa construxerat, contra altare humata est.

Cum autem David filius eius in aula regis Angliae Henrici primi moraretur, nocte Cap. 12. quadam à sorore sua Mathilde regina, quæ matris vestigijs puro corde insistebat, vocatus, ad cubiculum eius accessit. Et ecce domus plena leprosis, & regina in medio stans, deposito pallio, linteo præcinxit se, & missa in peluim aqua, pedes eorum lauare, lotos extergere, & extertos vitrisq; manibus constringere & deuotissime osculari coepit. Cui militatis

ille: Quid, inquit, agis domina mea? Certè si rex isthuc sciret, nunquam os tuum leprosum pedum tibi pollutum, labijs suis contingere. At illa subridens, ait: Pedes regis eterni quis nesciat labijs regis morituri esse preferendos? Ego certè idcirco vocauit te, frater charissime, ut meo exemplo similia facere discas. Sumpta itaque pelui, fac quod me facere intueris. Ille vero culpa sua subridens, ad socios suos se recepit.

ALEXANDRI MONACHI LAVDATIO IN APOSTOLVM BARNABAM, QVAM HABVIT ROGATVS A  
Magno sacerdote, veneranditempli praefecto, quod beato Barnabæ consecratum fuerat. Est in Simeone Metaphraste.

II. Junij.  
Cap. 1.

Apostolo-  
rum praefan-  
tia.  
Exod. 2.

Cap. 2.

Lug. 21.

Cap. 3.

**M**AXIMVS orationis argumentum nobis, magna seruonis paupertate laborantibus, patrio cerre studio & affectu commotus proposuisti, pater optime, & eorum, qui virtutis exercitatione præstantes sunt, probatissime. Nobis enim laudandum proposuisti diuinum & beatissimum vi-  
rum, in signum Apostolum, cœsolationis filium, orbisteriarum facem, Barnabam, inquam, multarum laudū præconijs celebratum. Ego vero inscitiam meam cum argumen-  
ti magnitudine conferens, tractationem hanc exhor-  
rescens, iussi tuis parere diutiū recusavi. Quæ enim ora-  
tio tam perfecti Apostoli rebus narrandis par esse poterit,  
cūm huiusmodi negocium tale sit, vt non solum meas vires omnino superet, sed om-  
nibus etiam alijs difficultatē afferre possit? Omnes igitur inferiores esse arbitror, quām  
vt Barnabæ res gestas narrare valeant. Quod si quis de illo aliquid dicere aggressus fue-  
rit, sit quanvis sapiens, peritus & orationis facultate præstantissimus, longo ratiōne  
intervallo à tergo relinquetur, longè inferior existens, quām Apostoli dignitas postular,  
& in eius laudum pelago omnino demergetur. Alius quidem ex iustorum hominum  
numero aliud quoddam à Spiritu sancto donum asecutus est. Apostoli autem ipsi o-  
mnes diuinarum gratiarum thesauros acceperunt, & virtutes omnes se habere osten-  
derunt. Qu' potero igitur miser ego infiniti perturbationibus oppressus, Apostolica  
virtutis pontum tranare? Nanq, tenui & tarda sum lingua, vt quod est in literis diuinis  
scriptum, de me dicam, neq, ita cloquens sum, vt diuinis admirabilis Apostoli Barna-  
bæ virtutes commode narrare possim. Ita enim perfectè virtutem omnem vir hic ex-  
ercuit, vt nemo alias in vna aliquavirtute profecit. Quam obrem prouinciam hāc mihi  
in iunctam suscipere haſtenus recusavi, cūm meam imbecillitatem tanti viri glo-  
riosis factis enarrandis imparem esse cognoverim.

At cūm memoria repeterem, quod in literis diuinis scriptum legi, hominē, qui obe-  
dientiam non seruat, interitum subire, qui vero est obediens, eum ab interitu liberum  
esse vix ad id, quod præcepisti, multum cerre metuens, aggressus sum, fatiū esse ducens  
in eos accufari, quod oratio mea manca sit, quām in contumacia crimen incur-  
re. Illud igitur vnum à vobis peto, vt mecum vna sanctissimum Barnabam orationis  
adiutorem mihi esse precermini. Ipsi autē viro, quem laudabimus, non dubito id grati-  
fore, quod a nobis, qui nihil sumus, dicetur, nam & eius Domino aliquando placuisse  
legimus duo illa minuta, olim à vidua & paupere muliercula oblata. Non enim Deo  
ipsi tam grata & accepta est carum rerum, qua offeruntur, magnitudo, quā mens i-  
psa & æquus animus, quem est ostendit, à quo aliquid offertur, huc parvum, sive magnū  
illud sit. Cūm vero Barnabam laudamus, tunc & omnium Apostolorum sacram col-  
legium collaudamus, quorum enim vocatio vna fuit, eorum eadem est & gloria, &  
quorum ordo unus, corū eadem est & dignitas, quorum paria certamina, corundē co-  
rona diuersa non sunt, quorum deniq, institutionis ratio communis, eorum præmia  
æquae honorata sunt. Nam vero Barnabam ipsum oratione nostra in medium produ-  
camus, & quam maxime possumus, laudum præconia illi cōcineremus, sum enim eius  
viri amator ardentissimus. Scio autem, & mihi persuadeo, huius Apostoli vel nomen  
ipsum auribus vestris iucundissimum accidere. Itaq, illam honoremus, quatenus pro  
viribus de illo dicentes, æqui animi significationem demus, quod enim eius viri digni-  
tas postular, id tale est, vt omnem orationem ab eo superari fateamur.

Laudetur igitur a nobis infimis magnus ille Apostolus Barnabas. Celebretur con-  
solationis filius ab hominibus, qui Christo crediderunt. Extollatur a quo quis homo  
ille,

